


高青邱詩醇

柳田文庫
文庫11
D 186
1



嘉永三年新鐫

拙堂先生選

高青邱詩醇

文庫11
D 186
1

010190558148

續詩醇序

天下之山唯嶽為英靈之氣所特鍾萃然
魁然居其絕頂以繫四方之望詩之有大
家亦然故西土之評名山者必期於五嶽
論名手者必期於六家六家者誰李杜韓
白蘇陸是也唐宋作者蓋數千家而獨取
此六家拔乎其萃使覽者有盪胸決眦之
快是乾隆詩醇之所以卓也夫唐宋間既
有此六人金元明清何獨不然余嘗歷覽

柳田宗元

天目山

同書同記

求之於四朝七百餘年間作者之眾倍蓰
唐宋乃其傑然於一時者亦不尠欲拔取
其尤者以配六家未有所定焉吾友美濃
梁公圖深於詩者也嘗談及於此其論定
之於金取元好問於元取虞集於明取高
啓李夢陽於清取吳偉業王士正又得六
家遂各分三家鈔之去其疵而存其醇凡
若干卷以續乾隆之編然人或將謂六家
之弗可續猶如五嶽之弗可補是非知理

者矣峨眉天台漸顯於中古長白點蒼始
稱於近代其名一旦出諸名山上故論
者或欲改命五嶽以示至大之域夫嶽之
爲鎮聖王所定猶且有此說何獨疑六家
之弗可續哉蓋後六家之於前六家固不
能無軒輊而其來龍皆遙發而特起遺山
之豪健青邱之高逸北地之雄鷲或將掛
韓白而進道園之簡健梅村之華贍漁洋
之雅醇雖不及蘇陸之大而其高或過之

配之前六家無不可也。世之喜小畏大也久矣。遇乎幽谿小壑。輒拊髀趨之。邪路在前而不知避。至於盪胸決眦之觀。則逡巡趺跽而不前。嗟吁。誰非桑蓬射四方之人乎。今乃沁沁覩覩。甘受巾幘之遺。豈不愧其鬣鬣者耶。我邦山嶽神秀。孕靈毓英於其間者。固當勝西土。而作者大不相及。無佗坐其所趨之異耳。此余所以慨然有此舉也。此編之出。觀者果能滌蕩振刷。易其

舊轍。卓然由此而進。覆篲之功。積至九仞。不使前後六家專美於西方矣。豈不偉哉。豈不快哉。顧余謏劣。非其人。姑書之以俟世之能者。

天保丙申嘉平月

鐵研學人齋藤謙自識

余已製此序。取元高王三家鈔之。適菊池士固自南紀來。見喜之。言與其所見符同。如遺山之詩。已鈔而刻之。余乃舉

青邱詩醇屬以校訂。士固欣然受之。持歸。頗加刪補。命工淨寫。以繡梓自任。有故未果。忽忽十餘年。余亦職劇身忙。不遑問也。府下書賈文錦生。聞余有青邱選本來乞梓行。余爲柬士固。請稿本。士固喜甚。卽郵寄見還。付乃書其由。附原序之後。併付文錦生以刻之。

嘉永己酉孟秋

謙又識

明史本傳

高啟字季迪。長洲人。博學工詩。張士誠據吳。啟依外家居。吳淞江之青邱。洪武初。被薦。偕同縣謝徽。召修元史。授翰林院國史編修官。復命教授諸王。二年秋。帝御闕樓。啟徽俱入對。擢啟戶部右侍郎。徽吏部郎中。啟自陳年少不敢當重任。徽亦固辭。乃見許。已竝賜白金放還。啟嘗賦詩有所諷刺。帝嫌之。未幾也。及歸居青邱。授書自給。知府魏觀爲移其家。郡中旦夕延見。甚歡。觀以改修府治獲譴。帝見啟所作上梁文。因發怒。腰斬於市。年三十有九。明初吳下多詩人。啟

高青邱本傳

卷首

與楊基張羽徐賁稱四傑以配唐王楊盧駱云

高青邱詩醇目次

卷之一

五言古詩三十六首

卷之二

七言古詩五十八首

卷之三

五言律詩百十四首

五言排律五首

卷之四

七言律詩百四十五首

高青邱詩醇目次

卷之五

五言絕句六十首

六言絕句二首

卷之六

七言絕句百三十八首

卷之七

姑蘇雜詠古今體六十四首

通計六百二十二首

高青邱詩醇卷之一

伊勢 齋藤 謙有終錄

美濃 梁 緯公圖 閱

紀伊 菊池保定士固

五言古詩

宛轉行

宛轉復宛轉。宛轉日幾回。君腸鹿盧斷。我腸車輪摧。

寄衣曲

郎寒甚。妾寒持衣向燈泣。不是手縫遲。綿多針線澀。

吳越紀遊十五首 有序

昭和卅五年十二月廿七日始 此日無風 晴暖



至正戊戌庚子閒余嘗遊東南諸郡顧覽山川
所賦甚夥久而散失暇日理篋中得數紙而壞
爛破闕多非完章因擇其可存者追賦當日之
意以足成之凡一十五首雖未能北遡大河西
涉嵩華以賦其險經絕特之狀然此所以寫行
役之情紀遊歷之蹟與夫懷賢弔古之意亦往
往而在固不得而棄也因錄以自覽焉

始發南門晚行道中

歲暮寒亦行征人有常期辭我家鄉樂適彼道路危
酒闌別賓親驅車出郊歧我馬力未痛已越山與陂

回頭望高城落日雲樹滋遭亂既少安謀生復多飢
途逢往來人孰不爲此馳遠遊亦吾志去矣何勞悲

渡浙江宿西興民家

挂帆無天風到岸日已夕捨舟理輕裝欲問古鎮驛
颯颯灘聲回莽莽山氣積僕夫夜畏虎告我勿遠適
望林投人家炊黍旋敲石寒眠多虛警我體若畏席
誰云別家遙數日已在客今宵始驚歎東西大江隔

早過蕭山歷白鶴柯亭諸郵

客起何太早村荒絕雞鳴況時江雨晦不得見啓明
凌兢度高關山空縣無城隔林聞人呼已有先我行

側身避徑滑聚足防厓傾衣寒復多風淅淅遠水聲
千峰霧中過不識狀與名嵐開見前郵始覺歷數程
越禽啼楓篁冷日傍午晴煙生沙墟寂葉落澗寺清
登臨亦可悅但恨時非平

次錢清江謁劉寵祠

亭亭樹閒祠落日小江口停舟拜孤像開幔蒼鼠走
憶公治邦時德感山谷叟臨行謝其饋清風在茲久
我方東征急不得奠杯酒惆悵出煙扉殘村夜聞狗

登蓬萊閣望雲門秦望諸山

旅思曠然釋置身蒼林杪羣山爲誰來歷歷散清曉

奇姿脫霧雨奮首爭欲矯氣通海煙長色帶州郭小
曲疑藏啼猿橫恐截歸鳥流暉互蕩激下有湖壑繞
佳處未遍經一覽心頗了秦皇遺跡泯晉士流風杳
願探金匱篇振袂翔塵表

聞長槍兵至出越城夜投龕山

列藩遏戎亂駐鉞實此州如何殺大將王師自相讎
我來亂始定城郭氣尙愁又聞有鄰兵倉卒豈敢畱
促還出西門天寒絕行輶古戍暗雨雪旌旗暮悠悠
野屋閉不守澤田棄誰收居人且奔逃遊子安得休
逶迤蒼山去決漭玄雲浮人虎爭夜行風榛嘯巖幽

我徒戒相觀。一失未易求。飢拾谷口粟。寒燒澗中楸。
神迷路多迂。再宿達海陬。雖嘗登頓勞。幸免迫辱憂。
聖尼畏于匡。嗟我敢有尤。但慙去越早。不遂名山遊。
夜抵江上候船至。曉始行。

夜辭西陵館。霜谷猿叫歇。津卒未具舟。天險不可越。
漁商雜候渡。寒立沙上月。蒼煙隱遙汀。益覺潮漲闊。
開橈散鳧鷺。海色曙初發。矚矚前山來。稍稍後嶺沒。
中流聞鼓角。隔岸見城闕。客路得奇觀。臨風悶俱豁。

登鳳凰山尋故宮遺跡

茲山勢將飛。宮殿壓其上。江湖正東來。朝夕似奔轡。

當時結構意。欲敵汴都壯。我來百年後。紫氣愁不王。
烏啼壁門空。落葉滿陰障。風悲度遺樂。樹古羅巖仗。
行人悼降王。故老怨姦相。蒼天何悠悠。未得問興喪。
世運今復衰。淒涼一同望。

宿湯氏江樓夜起觀潮

舟師夜驚呼。隔浦亂燈集。潮聲若萬騎。怒奪海門入。
初來聽猶遠。忽過顧無及。震搖高山動。噴灑明月溼。
霜風助翻江。蛟龍苦難蟄。應知陰陽氣。來往此呼吸。
登樓覺神壯。憑險方迴立。何處望靈旗。煙中去波急。

過奉口戰場

路回荒山開如出古塞門驚沙四邊起寒日慘欲昏
上有飢鳶聲下有枯蓬根白骨橫馬前貴賤寧復論
不知將軍誰此地昔戰奔我欲問路人前行盡空村
登高望廢壘鬼結愁雲屯當時十萬師覆沒能幾存
應有獨老翁來此哭子孫年來未休兵強弱事并吞
功名竟誰成殺人遍乾坤媿無拯亂術佇立空傷魂

泊德清縣前望金鵝玉塵二峰

歸遠行不緩頗失眺山水獨憐茲峰秀欲去舟且櫂
層巒回長谿日落蒼霧起寒城動遙炊晚渡罷孤市
豈唯地景幽况乃民俗美牛羊散樹下曖曖舊墟里

田腴收穫富縣靜爭訟止畏途遇樂境我意方一喜
嘯歌逐漁翁暫宿浦煙裏篠疎風翛翛月偃波瀾瀾
旅顏在塵中逢人固多恥安得託此居長年息行李

舟次敢山阻風累日登近岸荒岡僧舍

高岸鳴枯桑湖陰北風厲寒濤洶我前幾日不得濟
孤舟恐漂蕩石根暮牢繫憂來厭閒臥近寺聊獨詣
雀飢殘林空人倦危磴細年荒無居僧樹死石門閉
神傷卻欲返微霰灑征袂窮冬已崢嶸故國尚迢遞
仰看浮雲馳東路阻歸計長歎復何言吾生信多滯

過硤石

硤石頗奇壯。長河出連山。絕壁兩岸開。行舟過其間。
高處誰解登。陰藤裊難攀。旁垂雨痕古。仰露天光慳。
不知真宰意。隨地設險艱。一夫據蜀閣。二世憑秦關。
賴此非要區。爭奪得少閒。徘徊佇望久。日暮飛雲還。

謁雙廟

十四

維昔天寶末。君王寵姦虜。雄邊委強兵。遺患同養虎。
叛聞遽西幸。骨肉棄榛莽。河北二十州。義士誰禦侮。
兩公起誓眾。慟哭告玄祖。橫身遏其衝。江淮保安土。
孤城無全堞。百戰霜月苦。力窮援不來。嚙齒罵益怒。
殘兵日飢疲。秋風仆旗鼓。男兒不生降。一死冠今古。

故鄉有遺廟。俗祭巫屢舞。丹青網塵中。爽氣猶可覩。
嗟。今。屬。喪。亂。戎。馬。正。旁。午。臨。危。肯。捐。軀。如。公。未。多。數。
獨立為悲傷。斜陽下寒楚。

登海昌城樓望海

十五

百川浩皆東。元氣流不息。混茫自太古。于此見容德。
積陰漲玄濤。萬里失空色。鴻鵠去不窮。魚龍變莫測。
朝登茲樓望。動盪豁胸臆。始知滄溟大。外絡九州域。
日出水底宮。煙生島中國。寬疑浸天爛。怒欲吹地昃。
常時烈風興。海若不受職。長隄此宵潰。頻勞負薪塞。
況今難危際。民苦在墊溺。有地不可居。瀕洞風塵黑。

安得擊水遊圖南附鵬翼

感舊訓宋軍咨見寄

我酒且緩傾聽君放歌行君歌意何苦慷慨陳平生
少爲鬪雞兒鮮裘奪春明走馬出飛彈撇捩誇身輕
氣服諸俠徒不倚父與兄落花錦坊南美人理妝迎
綠雲晚不度樓上鳴瑤箏酒酣遊五木脫帽呼輸贏
及壯家已破狂遊恥無成太白犯紫微三辰晦光精
金鏡偶淪照干戈起紛爭中原未失鹿東海方橫鯨
遂尋鬼谷師從之學言兵石室得陰符龍虎隨權衡
業成事燕將遠戍三關營巖谷雨雪霏哀獸常夜鳴

無劍起流涕軍中未知名奇勳竟難圖迴臨石頭城
石頭何壯哉山盤大江橫黃旗歇王氣玉樹沈歌聲
晚登臨滄觀惻愴懷古情覽時識禍機不因憶萼羹
飄然別戎府溧水還東征裸衣佐刺船臨危釋猜萌
歸來訪鄉閭亂餘掩蓬荊舊宅人已改荒池泉尚清
瘦妻倚寒機正歎伊威盈相迎不相笑伏雌爲重烹
從茲謝行役閒園事躬耕昔同徒步人十年擁麾旌
鴻毛猶未順蹭蹬違霄程知音竟爲誰四海嗟惇惇
齊竽不解奏楚璞何由呈嬾求薦辟書傲然揖公卿
衰蕙弔蟋蟀柔桑喚鸚鵡閉門節屢變壯魄空潛驚

顧余雖腐儒。當年亦崢嶸。小將說諸侯。捧槃定從盟。
大欲千萬乘。獻策登蓬瀛。洪瀾阻川途。浮雲蔽天京。
終焉困澤畔。日暮吟薜蘅。賤貧此時居。復與喪亂并。
何殊九月中。嚴霜折枯莖。頗聞君子心。道窮貴益貞。
已志未獲施。安用軒裳榮。所以不苟出。出則時當平。
今晨喜逢君。有壺對前楹。風日初澹沲。櫻桃作繁英。
適意不一醉。屑屑徒悲榮。達人若相遇。大笑絕冠纓。
會宿城西客樓。送王太史。

君來歡不足。君去憂何遽。共聽楓橋鐘。畱連恐將曙。
蛩鳴故苑草。鳥起高城樹。明日獨登樓。歸帆渺何處。

鄭隱君秀野軒圖

江晚洲渚交。雨晴草菲菲。前山靄欲闇。苦師渡水歸。
望煙知君家。花竹隱半扉。已休田中耒。猶響林下機。
此鄉卽桃源。亂後世所稀。開圖若身到。不知塵境非。
送芑上人東歸

贈羣上人

浮雲與飛鳥。相聚安可常。偶來雲巖寺。幾日共徜徉。
我去師亦歸。澗房欲荒涼。池臥孤塔影。庭栖雙桂香。
重過應未期。悵然山水長。

高風搖飛泉。落日帶遠松。欲往已知處。煙蘿鳴飯鐘。

剡源九曲錄三

其一

欲知谿流長。百轉來越嶠。舟行安能極。嵐路入斜照。清景不足娛。昔人豈辭詔。石硯久誰磨。空林閉遺廟。
王羲之隱此。六詔徵之。方起有石硯存焉。

其二

山折水暫旋。山開水仍往。東陂匯初成。秋色瀾然廣。碧蘿花茸茸。月映石壁上。何時試沿洄。一理煙中舫。

其三

清暉汎悠悠。東與前谿合。菱葉閒荷花。風來秋颯颯。久行愁寂寞。忽有人煙雜。我欲發棹謳。漁郎肯相答。

詠殘燈

凝寒結重暈。逼曙零孤朶。膏空逐漏水。焰在同爐火。
戀影未成眠。更就餘光坐。

池上晚憩

春晚思悠悠。閣前池水流。新蒲風葉響。如對野塘秋。野塘前歲路。已隔歸舟度。鳥下獨回頭。青山杳然暮。

夢梅堂

寢齋掩殘雪。幽幔燈微皎。不知南澗濱。魂與春縈繞。

初迷月入樹。忽斷風驚篠。餘馥悵難尋。空山鶴鳴曉。

送程校理遊江上

風亭裊離管。草綠江水暮。送此南浦人。孤帆雨中渡。別觴足自緩。前驛花滿路。春叢戀山鶯。晚絮迷汀鷺。我今獨愁居。芳月誰與度。佇立望遙波。相思積煙霧。

我昔

我昔在家日。有樂不自知。及茲出門遊。始復思往時。貧賤爲客難。寢食不獲宜。異鄉寡儔侶。童僕相擁持。天性本至慵。強使賦載馳。發言恐有忤。踏足慮近危。人生貴安逸。壯遊亦奚爲。何當謝斯役。歸守東岡陂。

高氏自乞貓也

寄王七孝廉乞貓

鼠類固甚繁。家有偏狡獪。厥質亦陋微。朋聚工造怪。舞庭欲呈妖。憑社期免敗。饞同善飯。頗暴比橫行。噲倉偷自詫。肥穴竄寧辭。隘唯思淮南。舉不悟河東。戒嗟余守窮僻。有屋如敝廡。公然肆相欺。遠告來別界。嚶嚶鳴橐頻。率率緣幙快。伺暗忌燈然。聞腥喜餐餽。空牀印凝塵。高壁墮墮塊。核遺盤果亡。汁覆罌齏壞。轟霆駭怒鬪。急雨疑流嘍。書殘費補裝。裊沓煩烘曬。入廁客驚吁。守舍奴憂誠。豈無老烏圓。昔壯今何憊。不修司捕職。垂頭象瘖聵。難求許邁符。莫具張湯械。

尋蹊漫設機，薰隧徒吹鞫。遂令不眠人，中夜長抑噫。
君家產銜蟬，許贈不以賣。願得縱驅擒，淨若刈菅蒯。
盡殺豈匪仁，去害容少懈。高枕幸無苦，君惠當再拜。

答衍師見贈

衍師本儒生，眉骨甚疎峭。軒然出人羣，快若擊霜鷄。
早嘗垂長紳，挾冊誦周邵。欲陳興壞端，往應乞言詔。
乾綱會中頽，四海起攘剽。仰頭望天扃，氛祲匿羲曜。
藩邦日尋兵，纁玉罷朝頰。木顛豈繩維，長往遂淪耀。
披緇別家人，欲挽首屢掉。超哉休遠徒，高躅願追紹。
初來北城利，駐錫問宗要。相逢共宵哦，篝火樹閒照。

衍師性僧道行也

篇成出叩鉢，鋒疾驚楚僂。我或勸之冠，不答但長笑。
畱連忽中離，名山赴佳召。頗知此行樂，夙志酬歷眺。
吳峰戴樸登，楚水投文弔。江秋雨鳴瀨，海曙霞發嶠。
靈奇務窮蒐，不憚躡遐徼。東歸始安禪，幽谷斬蓬藿。
坐敷雲中衾，薜屋一澗繚。前年逐戎旃，野出事田獠。
是時陰飈作，山黑捲狂燒。不畏猛虎過，車宿傍楓廟。
聞師隔煙嶺，無寐聽猿叫。晨興雪滿壑，衣溼寒未燎。
空林斷樵蹤，兀兀見來轎。相邀至巖扉，杉竹穿窸窣。
深房煮山藥，乾葉燄風鈔。頓釋行旅顏，瓢綠欣飲醕。
促還不能淹，喧寂歎殊調。邇來竟何成，三十匪年少。

恨無關弧力。結束從嫖姚。閒坊借書披。危坐似持釣。
行憂釜見奪。謁恐冠遭溺。逢人戒談時。澀縮刀在鞘。
軍聲五月急。市粟無賤糶。壯氣漸欲磨。妻孥困纏繞。
堂筵賓履疎。暑夕行熠燿。師來贈長句。有譽無鄙誚。
組章眩芬莩。金奏聆要眇。據梧起豪誦。心疾渾可療。
回顧平生吟。真咽蚯蚓竅。上天宰玄化。亂治方叵料。
性命如窮鱗。儻獲脫罾罟。卜居計已決。不待龜灼焦。
過湖就稻蟹。靜處容不肖。安能效羣女。倚市鬪妍妙。
泳風或鳴橈。耕月還荷蓀。師當重見尋。東皋一舒嘯。
水上盥手

盥手愛春水。水香手應綠。泔泔細浪起。杳杳驚魚伏。
怛悵坐沙邊。流花去難掬。

贈楊滎陽

嘉陵美山水。亦復富文彥。楊君產其邦。材拔性高狷。
布衣走名都。早入藝林選。客屈稷下談。王邀鄴中宴。
出門得名聲。不假親舊援。匣劍未久埋。囊錐已先見。
吐詞實瑰奇。讀者心欲顛。刀鳴鬪夫勇。花妥笑女倩。
如觀廣場中。百戲張曼衍。平生眼無入。遇我獨相善。
陌頭每竝出。兩騎無後先。喜從兔園遊。慙受狗監薦。
君歌我固服。我賦君亦羨。墮筵吟帽烏。踏席舞裙茜。

醉中共笑語。往往雜諧諺。有時出城西。山水恣攀踐。
巖眠曙猿驚。澗飲夏鶯囀。吳宮妓去榭。蕭寺僧開殿。
龍門剝綠苔。高什記題徧。歡游正相酣。世事忽驚變。
朋儔半生死。一往如激電。我棹返江潯。君車赴淮甸。
旋聞逐流人。居濠又移汴。一身去何賚。空囊唯破硯。
危塗晚行疲。欲進足如胷。狼來樹杪避。蝎走燈下見。
渡河自撐篙。水急船斷牽。及至秋已深。舊褐風裂片。
難尋高陽飲。空弔鄢陵戰。聖恩忽加憐。收拔佐山縣。
卑曹敢云辭。執版謁府掾。官庖盡炊藜。民賦半輸絹。
低飛蓬蒿閒。不異雉帶箭。有親寓京師。年老闕供饌。

欲奉朝夕歡。去職胡敢擅。晨上宰相書。得歸遂微願。
上堂具珍鮭。呼婦賣釵釧。我時別君久。問訊愧無便。
空題憶君詩。細字書滿卷。今春被詔起。前史預編撰。
始來長干門。楊柳正飛燕。逢君風塵餘。不改舊顏面。
握手話苦辛。悲喜雜慶唁。客中雖無錢。自寫賒酒券。
邀來臥東閣。月出初鎖院。君言涉艱難。壯志今已倦。
回頭悟前非。更名慕蘧瑗。君近改名去非我聞棠谿金。不畏
經百鍊。胡爲暫失路。遽欲老貧賤。吾皇奮神武。四海
始安奠。棧通諭夷文。驛走徵士傳。時巡抗霓旌。肆觀
冠星弁。功成萬瑞集。禮欲議封禪。君才適時需。正若

當暑扇手持照國珠。胸出補袞線。便應上金鑾。立對
被天眷。嗟余忝載筆。鼠璞難自銜。幸茲際昌辰。魏闕
寧不戀。但憂誤蒙恩。不稱終冒譴。秋風楚潮滿。歸舸
帆欲轉。君若念故交。殷勤一相餞。

效樂天

誰言我久賤。明時已叨祿。誰言我苦貧。空倉尚餘粟。
辭闕是引退。還鄉豈遷逐。舊宅一架書。荒園數叢菊。
俗緣任妻子。家事煩童僕。性懶宜早閒。何須暮年促。
猶著朝士冠。新裁野人服。杯深午醉重。被暖朝眠熟。
旁人笑寂寞。寂寞吾所欲。終老亦何求。但懼無此福。

功名如美味。染指已云足。何待厭飽餘。腸胃生痰毒。
請看畱侯退。遠勝主父族。我師老子言。知足故不辱。

登竹竿嶺

曲徑隨蟒蟠。高枝作猿攀。力盡到頭頂。始見湖中山。
煙雨過空鏡。曉沐西子鬢。好景如好詩。追尋詎能閒。
朝飲白雲泉。夕渡明月灣。自笑俗緣在。未窮遽言還。
應知他夜夢。猶在山水閒。

高青邱詩醇卷之一

Blank columns for the first volume of the poetry collection.

高青邱詩醇卷之二

伊勢 齊藤 謙有終錄

美濃 梁 緯公圖

紀伊 菊池保定士固

閱

七言古詩

將進酒

君不見陳孟公。一生愛酒稱豪雄。君不見楊子雲。三世執戟徒工文。得失如今兩何有。勸君相逢且相壽。試看六印盡垂腰。何似一卮長在手。莫惜黃金醉青春。幾人不飲身亦貧。酒中有趣世不識。但好富貴忘

高詩丘言酉 卷之二
其真便須吐車茵莫畏丞相嗔桃花滿谿口笑殺醒
遊人絲繩玉缸釀初熟搖蕩春光若波綠前無御史
可盡歡倒著錦袍舞鸚鵡愛妾已去曲池平此時欲
飲焉能傾地下應無酒壚處何苦寂寞孤平生一杯
一曲我歌君續明月自來不須秉燭五岳既遠三山
亦空欲求神仙在杯酒中

堂上歌行

堂上歌歌南山主人爲歡仰客顏翠帷夜卷出兩鬢
移尊更飲花樹閒花樹閒有明月客不醉歌不歇

隴頭水

人閒何處無流水偏到隴頭愁入耳夜雜羌歌明月
中秋驚漢夢空山裏隴阪崎嶇九回折聲隨到處長
嗚咽欲照愁顏畏水渾前軍曾洗金創血回頭千里
是長安征人淚枯流不乾

飲酒樂

七絃五絃角奏一觴兩觴羽行且樂眼中人聚莫憂
頭上天傾

悲歌

征途險巖人乏馬飢富老不如貧少美遊不如惡歸
浮雲隨風零亂四野仰天悲歌泣數行下

猛虎行

陰風吹林鳥鵲悲。猛虎欲出人先知。目光燿燿當路。坐將軍一見。弧矢墮。幾家插棘高作門。未到日沒收。豬豚猛虎雖猛。猶可喜。橫行只在深山裏。

野田行

白楊樹下誰家墳。火燒野草碑無文。路旁尚臥雙石。馬行人指是故將軍。當時發卒開陰宅。千車送葬城東陌。子孫今去野人來。高處牧羊低種麥。平生意氣安在哉。棘叢暮雨棠梨開。百年富貴何足恃。雍門之琴良可哀。

築城詞

去年築城卒。霜壓城下骨。今年築城人。汗灑城下塵。大家舉杵莫住手。城高不用官軍守。

鑿渠謠

鑿渠深一十尋。鑿渠廣八十丈。鑿渠未苦莫嗟吁。黃河曾開千丈餘。君不見賈尚書。

廢宅行

鳴珂坊裏將軍第。列戟齊收朱戶閉。里媪逢人說舊時。有廬被奪廣園池。今年沒入官爲主。散盡堂中義宅兒。廚煙久斷無梁肉。羣鼠饑來入鄰屋。官封未與。

別人居。日日閒苔雨。添綠曲閣深沈。接後房。畫屏生色暗。無光尋常不敢偷窺處。守卒時來拾墜璫。春風多少奇花樹。又有豪家移得去。

青樓怨

浴金熏爐。鏤玉奩。蘭香今夜為君添。烏栖黃昏鳥起。曙纔見。道來還道去。

牧牛詞

爾牛角彎環。我牛尾秃速。共拈短笛與長鞭。南隴東岡去相逐。日斜草遠牛行遲。牛勞牛飢惟我知。牛上唱歌牛下坐。夜歸還向牛邊臥。長年牧牛百不憂。但

恐輸租賣我牛。

養蠶詞

東家西家罷來往。晴日深窗風雨響。一眠蠶起食葉多。陌頭桑樹空枝柯。新婦守箔女執筐。頭髮不梳一月忙。三姑祭後今年好。滿簇如雲繭成早。檐前綵車急作絲。又是夏稅相催時。

伐木詞

竹擔挑多兩肩赤。礪斧時尋澗邊石。老夫氣力秋漸衰。易斫喜有枯林枝。白雲無人暗空谷。遠聲丁丁如啄木。暮歸待伴不獨行。前途虎多荆棘生。長年不曾

到城府聞比山中路尤阻

采茶詞

雷過谿山碧雲暖幽叢半吐槍旗短銀釵女兒相應
歌篋中摘得誰最多歸來清香猶在手高品先將呈
太守竹爐新焙未得嘗籠盛販與湖南商山家不解
種禾黍衣食年年在春雨

賣花詞

綠盆小樹枝枝好花比人家別開早陌頭擔得春風
行美人出簾聞叫聲移去莫愁花不活賣與還傳種
花訣餘香滿路日暮歸猶有蜂蝶相隨飛買花朱門
幾回改不如擔上花長在

田家行

草茫茫水汨汨上田蕪下田沒中田有禾穗不長狼
藉只供鳧雁糧雨中摘歸半生溼新婦春炊兒夜泣

憶遠曲

楊子津頭風色起郎帆一開三百里江橋水柵多酒
壚女兒解歌山鷓鴣武昌西上巴陵道聞郎處處經
過好櫻桃熟時郎不歸客中誰爲縫春衣陌頭空問
琵琶卜欲歸不歸在郎足郎心重利輕風波在家日
少行路多妾今能使烏頭白不能使郎休作客

里巫行

里人有病不飲藥，神君一來疫鬼卻。走迎老巫夜降，
神白羊赤鯉縱橫陳。男女殷勤案前拜，家貧無殺神。
勿怪老巫擊鼓舞，且歌紙錢索索陰風多。巫言汝壽
當止，此神念汝虔。賒汝死送神上馬，巫出門家人登
屋啼招魂。

主客行

主人楚歌客楚舞，落日黃雲雁聲苦。笑拂腰閒寶劍，
光美人滿堂。色如土，大兒北海人中奇。小兒能讀曹
娥碑，相逢且莫歎貧賤。但願有酒無別離，君不見平

原墓上生秋草，國士無窮道傍老。

新絃曲

舊絃解新絃，張冰絲牽愁六尺長。寬急頻從指邊聽，
金雁參差移不定。新絃響高調易促，不如舊絃彈已
熟。憐新厭舊，妾恨深為君。試奏白頭吟，他日愁如舊。
絃棄泣向羅裙帶頭繫。

青邱子歌 有序

江上有青邱，子徙家其南。因自號青邱子，閒居
無事終日苦吟。閒作青邱子歌，言其意以解詩
淫之嘲。

青邱子臞而清。本是五雲閣下之仙卿。何年降謫在
世間。向人。不道姓與名。躡屩厭遠遊。荷鋤懶躬耕。有
劍任鏽澀。有書任縱橫。不肯折腰爲五斗米。不肯掉
舌下七十城。但好覓詩句。自吟自酬賡。田閒曳杖復
帶索。旁人不識笑。且輕謂是魯迂儒。楚狂生。青邱子
聞之不介意。吟聲出吻不絕。咿咿鳴。朝吟忘其飢。暮
吟散不平。當其苦吟時。兀兀如被醒。頭髮不暇櫛。家
事不及營。兒啼不知憐。客至不果迎。不憂回也空。不
慕倚氏盈。不慙被寬褐。不羨垂華纓。不問龍虎苦戰
鬪。不管烏兔忙奔傾。向水際獨坐林中。獨行斲元氣。

搜元精。造化萬物難隱情。冥茫八極遊。心兵坐令無
象。作有聲。微如破懸。蝨壯若屠長鯨。清同吸沈。滄險
比排崢嶸。靄靄晴雲披。軋軋凍草萌。高攀天根探。月
窟犀照牛渚。萬怪呈妙意。俄同鬼神會。佳景每與江
山爭。星虹助光氣。煙露滋華英。聽音諧韶樂。咀味得
大羹。世閒無物爲我娛。自出金石相轟鏗。江邊茅屋
風雨晴。閉門睡足詩初成。叩壺自高歌。不顧俗耳驚。
欲呼君山老父。攜諸仙所弄之長笛。和我此歌吹。月
明但愁歎。忽波浪起。鳥獸駭叫山搖崩。天帝聞之怒。
下遣白鶴迎。不容在世作狡獪。復結飛珮還瑤京。

中秋翫月張校理宅得南字

八月望夜天如藍。海色捲霧山收嵐。玉盤元沈龍窟底。忽起萬丈誰能探。初來空中光尚溼。嫦娥寒鬢風鬢髮。人言一年此最好。金精水氣秋相涵。小星盡去大星在。芒角欲吐敢與參。天將洗眼照下土。啖食肯縱妖蠶貪。穿深窺暗不遺隙。魍魎忌影逃巖嵌。前年客中憶見之。家人怨別方喃喃。荒山不知佳節至。垂首凭案尋書蟬。但怪流輝入敗戶。油燈失燄留孤龕。起行陰林不用炬。剝啄獨叩峰西菴。虬蛇亂踏心膽悸。怪影走石皆楓楠。卽呼道人共載酒。放舟直下芙蓉潭。翻翻鷺鶻落樹杪。吹笛正和鳥飛南。今年在舍反寂寞。暗室困臥如僵蠶。乾愁無端負良夜。月固不言我則慙。人無賢愚競翫賞。况我清景性所耽。忽憶諸君隔河水。持被就宿聆高談。爲呼老婢掃庭宇。一席盤飮藜與柑。江城重閉萬家寂。樓鼓近聽纔過三。空階淒其覺霧泣。虛牖窈窕疑煙含。婆娑欲畱月伴影。素鸞西下煩停驂。明宵復出已難似。動別經歲嗟何堪。尊前此月又此客。世所難遇心應諳。關山幾處未解兵。擊柝不寐愁丁男。南鄰歌舞北鄰哭。月雖同照異苦甘。何人爲我揮天戈。乾坤多難俱平戢。行者

書蟬

芙蓉潭翻翻鷺鶻落樹杪。吹笛正和鳥飛南。今年在舍反寂寞。暗室困臥如僵蠶。乾愁無端負良夜。月固不言我則慙。人無賢愚競翫賞。况我清景性所耽。忽憶諸君隔河水。持被就宿聆高談。爲呼老婢掃庭宇。一席盤飮藜與柑。江城重閉萬家寂。樓鼓近聽纔過三。空階淒其覺霧泣。虛牖窈窕疑煙含。婆娑欲畱月伴影。素鸞西下煩停驂。明宵復出已難似。動別經歲嗟何堪。尊前此月又此客。世所難遇心應諳。關山幾處未解兵。擊柝不寐愁丁男。南鄰歌舞北鄰哭。月雖同照異苦甘。何人爲我揮天戈。乾坤多難俱平戢。行者

得還居者樂清光。所及恩皆覃。懸知此願未易遂。憂
來舉盞從沈酣。須臾眾散曉蟲急。古桂吹落青毵毵。

劉松年畫

樵青刺篙勝搖槳。船頭分流水聲響。青山渺渺波漾
漾。白鷗飛過時一兩。載書百卷酒十壺。日斜出遊女
兒湖。鄰舟買得巨口鱸。醉拍銅斗歌嗚嗚。此樂除卻
江南無。

送葉卿東遊

問君辭家今幾年。布衣綫斷芒屨穿。江湖夢回燈火
夜。聽雨每憶山中田。兵戈忽斷故鄉路。雖有兩足歸

居然無成

無緣。上書願雪父兄恥。畫地聚米籌山川。居然無成
困逆旅。白日但看孤雲眠。時人不容爾。生傲坐客豈
信毛公賢。黃金已盡酒徒散。壯士反爲兒女憐。飢吟
倚壁氣未餒。有如病鶻栖荒煙。卻欲南遊探禹穴。僕
夫整駕雞鳴前。波濤翻江畏飢鱗。霧雨連海愁飛鳶。
相逢誰肯問憔悴。山水自爲窮人妍。乾坤無家去何
止。飄泊不異回風船。區區願君自愛惜。今古遇合無
非天。亂離貧賤何足歎。王孫亦在道路邊。我今豈少
四方志。讀書坐破牀頭氈。恩讎兩無欲誰報。送子空
歌寶劍篇。

煮石山房為金華葉山人賦

山人不飯粳稻香笑指白石為餽糧金華之石猶可
食元是舊牧初平羊荆榛拾歸夜深煮自言久服能
輕舉但令隨處有雲根不問青天旱無雨我生無力
耕西疇硯田欲枯抱飢憂便當從君學此術絕勝乞
米監河侯

聽教坊舊妓郭芳卿弟子陳氏歌

時至正己亥歲作

文皇在御昇平日上苑宸遊駕頻出仗中樂部五千
人能唱新聲誰第一燕國佳人號順時姿容歌舞總
能奇中官奉旨時宣喚立馬門前催畫眉建章宮裏

長生殿芍藥初開敕張宴龍笙罷奏鳳絃停共聽嬌
喉一鶯轉過雲妙響發朱脣不讓開元許永新繡陛
花驚飄豔雪文梁風動委芳塵翰林才子山東李每
進新詞蒙上喜當筵按罷謝天恩捧賜纏頭蜀都綺
晚出銀臺酒未消侯家主第強相邀寶釵珠袖尊前
賞占斷春風夜復朝回頭樂事浮雲改瘞玉埋香今
幾載世閒遺譜竟誰傳弟子猶憐一人在曾記霓裳
學得成朝元隊裏藝初呈九天聲落千人聽丹鳳樓
前月正明狹斜貴客回車馬不信芳名在師下風塵
一旦禁城荒誰是花前聽歌者從此飄零出教坊遠

高詩丘言酌 卷之二
辭京國客殊方。閉門春盡無人問。白髮青裙不理妝。
相逢爲把雙蛾蹙。水調涼州歌續續。江南年少未曾
聞。元是當時供奉曲。朝使今年海上歸。繁華休說亂
來非。梨園散盡宮槐落。天子愁多內宴稀。始知歡樂
生憂患。恨殺韓休老無諫。傷心不見昔人歌。汾水秋
風有飛雁。此日西園把一卮。感時懷舊盡成悲。含情
欲爲秋娘賦。愧我才非杜牧之。

憶昨行寄吳中諸故人

憶昨結交豪俠客。意氣相傾無促戚。十年離亂如不
知。日費黃金出遊劇。狐裘蒙茸欺北風。霹靂應手鳴

雕弓。桓王墓下沙草白。彷彿地似遼城東。馬行雪中
四蹄熱。流影欲追飛隼滅。歸來笑學曹景宗。生擊黃
獐飲其血。皋橋泰娘雙翠蛾。喚來尊前爲我歌。白日
欲沒柰愁何。回潭水綠春始波。此中夜遊樂更多月
出。東山白雲裏。照見船中笛聲起。驚鷗飛過片片輕。
有似梅花落江水。天峰最高明日登。手接飛鳥攀危
藤。龍門路黑不可上。松風吹滅巖中燈。眾客欲歸我
不能。更度前嶺緣峻嶒。遠攜茗器下相候。喜有白首
楞伽僧。館娃離宮已爲寺。香逕無人欲愁思。醉題高
壁墨如鴉。一半欹斜不成字。夫差城南天下稀。狂遊

高書丘言酉
卷之二
累日忘卻歸座中爭起勸我酒但道飲此無相違自
從飄零各江海故舊如今幾人在荒煙落日野鳥啼
寂寞青山顏亦改須知少年樂事偏當飲豈得言無
錢我今自筭雖未老豪健已覺難如前去日已去不
可止來日方來猶可喜古來達士有名言只說人生
行樂耳

明皇秉燭夜遊圖

華萼樓頭日初墮紫衣催上宮門鎖大家今夕燕西
園高爇銀盤百枝火海棠欲睡不得成紅妝照見殊
分明滿庭紫焰作春霧不知有月空中行新譜霓裳

試初按內使頻呼燒燭換知夏宮女報銅籤歌舞休
催夜方半共言醉飲終此宵明日且免羣臣朝只憂
風露漸欲冷妃子衣薄愁成嬌琵琶羯鼓相追逐白
日君心歡不足此時何暇化光明去照逃亡小家屋
姑蘇臺上長夜歌江都宮裏飛螢多一般行樂未知
極烽火忽至將如何可憐蜀道歸來客南內淒涼頭
盡白孤燈不照返魂人梧桐夜雨秋蕭瑟

黑河秋雨引賦趙王孫家琵琶蓋其名也

胡天夜裂天垂泣雲壓鷹低翻翅溼穎王醉影抱寒
驚氈殿嘈嘈箭鳴急紅冰淚落青燈下倒卷河流入

絃瀉瘦駝臥磧歇鈴車。扑朔陰沙鬼行野。漢魂私語鬢風淒。都護營荒咽凍輦。蘭山木葉連愁起。散入塞門塵萬里。夢斷金蟾隔煙小。青塚埋聲秋不曉。

夜飲丁二侃宅聽琵琶

江月未出明星懸。主人飲客夜不眠。坐呼伶兒撥四絃。龍頭高撚玉軫圓。轉關未奏濩索先。勞嘈咽切斷復連。澀如清澗溜凍泉。細若碧樹吟秋蟬。忽然繁急何轟闐。風沙滿把撒四筵。雁行驚起飛不聯。浮雲落葉俱綿綿。一聲抹斷萬里煙。夢入紫塞愁胡天。問渠怨恨有幾千。口不能說指爲傳。令人悵望思往年。梁

園楚榭長周旋。帷中曲宴羅綺鮮。夜遣飛騎迎嬋娟。低鬟出拜絳燭前。文絲香條搭左肩。曲項紫鳳抱半偏。楓香一調妙入玄。好手正可羞重蓮。座閒豪客皆詞仙。舉杯邀我賦長篇。贈之醉寫蜀錦箋。可當十萬纏頭錢。如今遠客江海邊。欲聞絲音久無緣。故人已散陵谷遷。生死流落俱堪憐。今宵聽此真偶然。顧影憔悴非昔妍。長河欲曙落遠川。暫當歡娛反憂煎。向隅無言涕淚漣。此身如在潯陽船。

謝廬山宋隱君寄惠所製墨

瓦篝自掃煙埃溼。風雨空山杵聲急。香爐峰前五粒

高書丘言酌
卷之二
松燒成片玉玄香濃寄我團團未磨缺有如蝕盡天
邊月陶泓日暖水滿池雲氣忽起秋淋漓茅屋光寒
客心懼上有蛟龍欲飛去便思寫檄驚天驕夜磨楯
鼻冰不銷又思作賦獻天子曉出洛陽價增紙我今
年少才不多兩事未能如墨何但學顛狂如醉旭頭
髮可濡秋未禿

唐昭宗賜錢武肅王鐵券歌

妖兒初下含元殿天子仍居少陽院諸藩從此擁連
城朝貢皆停事攻戰岐王已去梁王來長安宮闕生
蒿萊天目山前異人出金戈雙舉風煙開羅平惡鳥

啼初起犀弩三千射潮水歸來父老拜旌旗醜酒搥
牛宴鄉里打毬駿馬驕春風錦袍玉帶真英雄詔書
特賜誓終始黃金鏤字旌殊功虎符龍節彤弓矢後
嗣猶令赦三死盡言恩寵冠當時天府丹書未踰此
摩挲舊物四百年古色滿面凝蒼煙天祐宰相署名
在尋思再讀心茫然古來保族須忠節受此幾人還
覆滅王家勲業至今傳不在區區一方鐵人生富貴
知幾時泰山作礪徒相期行人曾過表忠觀風雨斷
蘚埋殘碑

張節婦詞

靈壽張明府嫡母早寡守志

誰言妾有夫中路棄妾身先殂誰言妾無子側室生
兒與夫似兒讀書妾辟纊空房夜夜聞啼鳥兒能成
名妾不嫁良人瞑目黃泉下

錢舜舉畫美人摘阮圖歌

圓槽象月修寒玉暗貯宮商滿空腹美人恨抱秋
風偷寫琴中舞鸞曲傾鬟低黛幾娉婷夢約湘娥倚
竹聽滴盡冰盤老鮫淚阿咸帳底醉初醒梧桐落翠
萎蘭紫仙澗流雲含玉子甲屏難障夜深寒恐踏驚
鴻忽飛起不識人閒出塞聲瑤臺別有斷腸情調終
人去哀絃歇桂樹烏啼墜斜月

穆陵行 并序

永穆陵宋理宗陵也在會稽元至元初西僧楊
發輦真住請發宋諸陵許之既取其殉寶復以
理宗頂骨爲飲器後籍入官以賜帝師天兵克
元詔求得之命有司歸葬焉

樓船載國沈海水金槌晝入三泉裏空中玉馬不聞
嘶日落寢園秋色起魚燈夜滅隧戶開弓劍已出空
幽臺髡胡暗識寶氣盡六陵松柏悲風來玉顛深注
酖酥酒誤比戎王月支首百年帝魄泣穹廬醉骨飲
冤愁不朽幸逢中國真龍飛一函雨露江南歸環珮

重遊故山月。冬青樹死遺民非。千秋誰解錮南山。世
運興亡覆掌閒。起輦谷前馬蹄散。白草無人澆麥飯。
謝友人惠兜羅被歌

蠻工細擘冰蠶繭。織得長衾謝縫剪。蒙茸柳絮不愁
吹。鋪壓高牀夜香軟。朔風入關凋白榆。塞寒此物時
當須。明燈熾炭夕宴罷。薦寢宐共紅氍毹。海客揚帆
遊萬里。得自崑崙國中市。歸來遺我見遠情。重似鴛
鴦合歡綺。詩人鶴骨欺霜稜。曾直禁署眠青綾。自從
身退得閒臥。只愛擁紙同山僧。今朝得此何奇絕。展
覆不憂兒踏裂。便思清夢伴梅花。靜掩寒窗聽風雪。

越羅蜀錦安可常。洞房美女謾熏香。誰知一幅春雲
暖。卽是溫柔堪老鄉。

題美人對鏡圖

曉院鹿盧鳴露井。玉人夢斷梨雲冷。起開妝閣笑窺
奩。月裏分明見娥影。自對猶憐況主家。春風一面斷
腸花。何由鑄入青銅內。不遣秋霜換蛾翠。

曉出城東門聞鷓聲

城門朝開路臨水。人語煙中近魚市。誰搖飛鷓入蒼
茫。帶夢驚鳧柳邊起。過處寒波動拍沙。遠聞嘔軋復
咿啞。征夫車轉山頭阪。工女機鳴竹外家。我身本是

高詩丘言酉 卷之二
江湖客偶墮黃塵曉行役此聲空憶舊曾聽舟中酒醒東方白

媯蜚子歌

為友王常宗作蓋其號也

媯蜚子乃是軒轅之裔虞鰥之孫混沌既死一萬年獨抱大樸存竊伏在草野冥心究皇墳蚤逢三光五嶽之氣乍分裂天狼下地舐血流渾渾鹿走秦中原蛇鬪鄭國門俎豆棄草莽干戈歛崩奔媯蜚子便欲東遊渡弱水沐髮滄海朝陽盆又欲西行泝河漢踰崑崙山橫川阻兩地俱不可以往兮歸來掩戶臥旦昏時黍一區注醪一樽妻給井曰兒牧雞豚不詰曲

蜚集韻會以醉切音醴
爾雅狸獸蜚印鼻而長尾註似狸而大
山海經南山其獸多蜚象熊羆多猿
註蜚似猴身非
向上尾四五尺頭相
岐若鳥黃色雨則
自樹以尾更
孔或以兩拍塞之

以媚俗不偃蹇而凌尊作為古文詞言高氣醇溫手提數寸管欲發義理根上探孔孟心下弔屈賈魂其質耀金石其芳吐蘭蓀叩虛答有響斲險成無痕陸珍雜水怪變狀弗可論幾年兀兀不肯出坐待真主應運九五開乾坤鶴書自天來幽隱初見拔使者遠造盧雞鳴起膏轄與纂金匱編尚書為給札姦魂泣幽塚下恐遭誅殺書成一代進紫宸鸞旗羽衛夾陛陳閣門導謁稱小臣麻衣不脫拜聖人捧函近前殿龍顏喜回春敕賚內帑之金與綺段其文織作銀麒麟蒙恩乞還家以奉白髮親戴古弁垂長紳自號山

澤之臞民。媿雖子幸際明良。時無爲。寂默坐老東海。
湄青邱有客鈍且癡。與汝欲結同襟期。左鼓清瑟右
吹鳴篴。作歌共祝天子壽。五風十雨萬國赤子同熙
熙。

贈賣墨陶叟

龍井老人稱墨仙。有家近在荆谿邊。鐵臼秋鳴竹屋
雨。瓦篝春埽桐窗煙。玄玉初成敢輕用。萬里豹囊曾
入貢。日長小殿試烏絲。光迸驪珠欲浮動。世閒潘李
今已無。黃金滿筐爭來沽。詞臣供寫上林賦。畫史藉
作瀛洲圖。文物年來頗凋弊。喪亂誰言少知貴。便須

從子乞雙螺。醉草檄書磨楯鼻。

京師苦寒

洪武己酉

北風怒發浮雲昏。積陰慘慘愁乾坤。龍蛇蟄泥獸入
穴。怪石凍裂生皴痕。臨滄觀下飛雪滿。橫江渡口驚
濤奔。空山萬木盡立死。未覺陽氣回深根。茅檐老父
坐無褐。舉首但望開朝暾。苦寒如此豈宜客。嗟我歲
晚飄羈魂。尋常在舍信可樂。牀頭每有松醪存。山中
炭賤地爐煖。兒女環坐忘卑尊。鳥飛亦斷況來友。十
日不敢開衡門。竭來京師每晨出。強逐車馬朝天闕。
歸時顏色黯如土。破屋暝作飢鴛蹲。陌頭酒價雖苦

貴一斗三百誰能論。急呼取醉徑高臥。布被絮薄終
難溫。卻思健兒戍西北。千里積雪連崑崙。河冰踏碎
馬蹄熱。夜斫堅壘收羌渾。書生只解弄口頰。無力可
報朝廷恩。不如早上乞身疏。一蓑歸釣江南村。

寒夜泛湖至東舍

漁村港頭初月上。鵝鴨不收菰荻響。隔湖煙寺遠鐘
來。居人盡歸吾獨往。寒風蕭蕭寒浪生。舟中欠載酒
壺行。東家未宿如相待。黃葉青燈機杼鳴。

贈步鍊師禱雨

宗浩

白頭道士騎一鶴。手把青蓮下寥廓。人間又見海田

枯。十丈黃塵沒城郭。昔年服事茅長君。能役鬼神呼
風雲。下爲羣生埽旱沴。雨工驅起如羊羣。陰雷填填
天欲怒。靈颿吹旗紫壇暮。書入重關虎豹開。壁沈古
井蛟龍護。須臾甘澍何滂沱。十日不雨應無禾。祠官
空爲大雩舞。覲女羞作迎神歌。明朝師歸定何許。雲
裏懸珠赤如黍。更煩夜起把天瓢。翻作東南洗兵雨。

題朱澤民荆南舊業圖

睢陽醉磨一斗墨。夢落荆南寫秋色。太陰垂雨尚淋
漓。哀壑回風更蕭瑟。楓林思入煙霧清。湖水愁翻浪
波白。谿上初逢野老航。山中遠見先生宅。秣田半頃

連芋區。茅屋三閒倚。蘿薜。僧來看竹。乘小輿。客去尋
苓借高屐。任公臺下石可坐。周侯廟前路。曾識虎跡
時。畱暮苔紫。蛟氣或化。秋雲黑。城郭當年別已久。風
塵此日歸。不得落日書齋半壁明。畫圖臥對空相憶。

張中丞廟

延秋門上烏啼霜。羯兒曉登天子牀。江頭老臣淚暗
滴。萬乘西去關山長。公卿相率作降虜。草閒拜泣如
羣羊。當時不識顏平原。豈復知有張睢陽。孤城落日
百戰後。瘦馬食盡人裹瘡。男兒竟爲忠義死。碧血滿
地嗟誰藏。賀蘭不斬上方劍。英雄有恨何時忘。千年

海上見祠廟。古苔叢木秋風荒。摩挲畫壁塵網裏。勇
氣燁燁虬頰張。巫歌大招客酌酒。忠魂或能來故鄉。

吳中逢王才隨朝京使赴燕南歸

江南草長蝴蝶飛。白馬新自燕山歸。燕山歸不堪說
易水寒風薊門雪。朝邸空隨使者車。禁闈不受書生
謁。一杯勸君歌莫哀。歸時應過黃金臺。不見荒基秋
來土花紫。伯圖已歇昭王死。千載無人延國士。

戎王追彘圖

前騎脫兔奔。後騎驚鴻急。火燒秋草獵場空。一彘窮
追勢難及。大小當戶左右賢。單于勇銳闕支妍。雕戈

高書丘言西 卷之二
白羽謾爭發，眾中得雋知誰先。君不見天策將真天子，馳一馬殪四豕。

贈醉樵

川釣已遭獵，野耕終改圖。不如山中樵，醉臥誰得呼。采山不采松，松花可爲酒。酒熟誰共斟，木客爲我友。木客已去空石牀，舉杯向月邀吳剛。借汝快斧斫大桂，要令四海增清光。林風吹髮寒擁耳，獨枕空尊碧巖裏。此時忘却負薪歸，猛虎一聲驚不起。世閒萬事如浮煙，看棊何必逢神仙。青松化石鶴未返，酒醒又是三千年。

雷雨護嬰圖爲包山徐庭蘭賦

兒衣寒，母衣溼。風雨蒼黃歸意急，雷忽鳴。兒忽驚抱兒與兒同死生，樹聲吹回水聲注。田家尚遙無避處，看圖誰念亂離人。白日青天棄兒去。

夜聞謝太史誦李杜詩

前歌蜀道難，後歌偈仄行。商聲激烈出破屋，林鳥夜起鄰人驚。我愁寂寞正欲眠，聽此起坐心茫然。高歌隔舍如相和，雙淚迸落青燈前。李供奉杜拾遺，當時流落俱堪悲。嚴公欲殺力士怒，白首江海長憂飢。二子高才且如此，君今與我將何爲。

贈金華隱者

我聞名山洞府三十六。一一靈蹤紀真錄。金華秀出向東南。遠勝陽明與句曲。樓臺縹緲開煙霞。天帝賜與神仙家。靈源有路不可入。但見幾片流出雲中花。子房之師赤松子。三千年前亦居此。飛行恍惚誰解尋。謾說至今猶不死。松花酒熟何處遊。瑤草自綠春巖幽。羣羊臥地散如石。老鹿耕田馴似牛。聞有隱君子。乃是學仙者。自從入山中。不會到山下。世人莫知其姓名。以山呼之。不敢輕樵夫。忽見苦未識。只疑便是黃初平。嗟我胡爲在塵網。遠望高峰若天壤。茯苓

夜煮儻許餐。鐵杖來敲石門響。

題黃大癡天池石壁圖

黃大癡滑稽玩世人。不知疑似阿母旁。再謫偷桃兒。平生好飲復好畫。醉後灑墨秋淋漓。嘗爲弟子李少翁。貌得華山絕頂之天池。乃知別有縮地術。坐移勝景來書帷。身騎黃鶴去來遠。縞素飄落流塵緇。潁川公子欣得之。手持示我請賦詩。我聞此中可度難。玉枕祕記傳自青牛師。池生碧蓮花。千葉光陸離。服食可騰化。遊空駕雲螭。柰何靈蹟久闕藏。荒竹滿野啼猩猩。尋真羽客不有一相顧。卻借釋子營茅茨。我昔

來遊早春時。雪殘眾壑銷。寒姿磴滑不敢騎。馬上青
 鞵自策桃筇枝。上有煙蘿披拂之。翠壁下有沙石蕩
 漾之。清漪晴天倒影落明鏡。正如玉女曉沐高鬟垂。
 飲猿忽下藤裊裊。浴鶴乍立風澌澌。匡廬有池我未
 到。未省於此誰當奇。埽石坐其涯。沿洞引流厄。醉來
 自照影。俯笑知為誰。落梅撲香滿。接籬暮出東澗鐘。
 鳴遲歸來城郭中。復受塵土欺。十年勝賞難再得。恍
 若清夢一斷無。由追朝來觀此圖。惻愴使我悲當時。
 同遊已少在我。今未老形先疲。人生擾擾嗟何為。不
 達但為高人嗤。漢南既老司馬樹峴首。已仆羊公碑。

羅

魏或疑卯

惟應學道悟真訣。不與陵谷同遷移。仙巖洞府孰最
 好。東有地肺西峨眉。高崖鐵鎖不可攀。援以逕上仰
 望白雲樓。觀空岷嶽此山易。上何乃遺便與猿鶴秋
 相期。欲借大乙舟。夜臥浩蕩隨風吹。洞簫呼起千古
 月。照我白髮涼絲絲。傾玉醪。薦瑤芝。招君來遊慎勿
 辭。無為謾對圖畫日。夕遙相思。

贈劉生歌

生善鍛為李鍊師製三
隅鐵剗藥刀求歌贈之

君不見歐冶子。金鑄魚腸。照吳市。君不見徐夫人。藥
 淬匕首。驚函秦。奇鋒當年非不利。氣奪秋雲愁白帝。
 伯圖恃此竟無成。良冶徒為殺人器。何如劉生獨采

清恐清也

昆吾鋼大爐夜鍛騰虹光神鍼妙刃兩如水提出二
豎皆奔藏利器之功有如此特為醫仙起人死囊中
長得伴力圭海上何須刺犀兒我看十年太白西方
明銅山尋鑿兵縱橫幸逢聖人生干戈戢四海清願
生但制此器勿制兵民無疫癘樂太平

登金陵雨花臺望大江

大江來從萬山中山勢盡與江流東鍾山如龍獨西
上欲破巨浪乘長風江山相雄不相讓形勝爭誇天
下壯秦皇空此瘞黃金佳氣葱葱至今王我懷鬱塞
何由開酒酣走上城南臺坐覺蒼茫萬古意遠自荒

煙落日之中來石頭城下濤聲怒武騎千羣誰敢渡
黃旗入洛竟何祥鐵鎖橫江未為固前三國後六朝
草生宮闕何蕭蕭英雄乘時務割據幾度戰血流寒
潮我生幸逢聖人起南國禍亂初平事休息從今四
海永為家不用長江限南北

雪齋為述上人賦

君不見韓刺史疲馬度關愁欲死君不見党將軍美
人擁帳飲正醺憔悴豪華兩何有世人徒勞競奔走
雪深三尺坐寒龕誰似西齋衲衣叟開門一笑定起
遲虛空大地皆春熙松梢一片忽墮響夜靜山空人

高青邱詩集卷之二 三

不知此地應憐無熱惱尋梅莫若尋詩好便穿蠟屐
踏瓊瑤曉徑從埋不須掃

會宿成均汲玉兔泉煮茗諸君聯句不就因

戲呈宋學士

白兔如嫌桂宮冷走入杏花壇下井姮娥無伴每相
尋水底亭亭落孤影曾搗秋風玉臼霜至今泉味帶
天香玉堂仙翁欲飲客鹿盧夜半響空廊齋燈明滅
茶煙裏醉魂忽醒松風起只愁詩就失彌明殘雪滿
庭寒似水

海石為張記室賦

大星墮水聲若吼祖龍下叱神羊走誰將五色補天
餘屹障狂瀾歲年久空憐山頭精衛鳥身墮風波銜
不了媧皇去後幾桑田鰲背靈峰一拳小

昭和三十一年一月十八日 夜無風陰

高青邱詩醇
卷之二

高青邱詩醇卷之二

...

...

...

...

...

...

...

...

...

...

...

...

...

48-13465

